

**Uunga siunnersuut: Procenti aqqiissutissaq pillugu Inatsisartut inatsisaat nr. xx, xx.
xxx 2017-imeersoq**

(Aningaasaqarnermut Akileraartarnermullu Naalakkersuisoq)

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneerpeqarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Jens Immanuelson, Siumut, siulittaasoq
Inatsisartunut ilaasortaq Randi V. Evaldsen, Demokraatit, siulittaasup tullia
Inatsisartunut ilaasortaq Peter Olsen, Inuit Ataqatigiit
Inatsisartunut ilaasortaq Bendt Kristiansen, Inuit Ataqatigiit
Inatsisartunut ilaasortaq Martha Lund Olsen, Siumut
Inatsisartunut ilaasortaq Ineqi Kielsen, Siumut
Inatsisartunut ilaasortaq Kelly Berthelsen, Inuit Ataqatigiit

Ulloq 28. april 2017-imi siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Ilaatigut meeqqanut akilersuutit, meeqqanut tapiissutit, eqquusuinermi akitsuutit aamma umiarsualivimmiinnermut akileraarutit ukiumoortumik iluarsiiisuteqarfigineqartalernissaat Naalakkersuisut inatsisikkut siunnersuutigaat. Iluarsiiisuteqarneq procenti aqqiissutissaq aqqutigalugu pisassaaq. Siunertaavoq annertussutsit nalingisa akinut isertitanullu ingerlaavartumik malinnaanissaat, taamaaliornikkut siunertaanngitsumik naligiinngitsisoqaleqqunagu. Kiisalu "maannakkorpiaq aningaasarsiat" inatsimmi maleruagassiuunneqarput. Taaguutip "maannakkorpiaq aningaasarsiat" atorpeqarnerani siunertaavoq qanoq paasineqarnissaata inatsisini assigiinngitsuni assigiimmik atugaanissaata inatsisikkut pisussaaffinngortinneqarnissaa.

2. Siunnersuutip Inatsisartunit siullermeerneqarnera

Siullermeerinninnermi siunnersuut nalinginnaasumik taparserneqarpoq, tassunga ilanngullugu isumaginninnikkut tunniuttakkat inatsimmi ilaatinneqartut nalinginik qulakkeerinninnissaq siunnersuutip siunertarigaa partiit arlallit innersuussutigaat, aammali akileraartarnermik annertunerusumik iluarsaaqinnissamut attuumassuteqarnera kiisalu atassisinnaanermut siuariartornissamullu pilersaarutip malitseqartinneqarnissaa oqaatigineqarpoq.

3. Ataatsimiititaliap siunnersuummik suliarinninnera

Inatsit aalajangersakkanik marlunnik imminnut attuumassuteqanngitsunik – aappaa procenti aaqqiissutissamut tunngasumik aappaalu maannakkorpiaq aningaasarsiat qanoq paasineqar-nissaannik tunngasumik – imaqartoq Aningaasaqarnermut Akileraartarnermullu Ataatsimiiti-taliamit maluginiarneqarpoq. Procentili aaqqiissutissaq inatsisip qulequtaani inatsimmilu § 1-imi kisimi taaneqarpoq. Taamaattumillu inatsisip imarisaanut erseqqissaataasumik aammalu inatsimmik atuisussanut inatsisip paasiuminarnerulernissaanik imaqartumik ataatsimiititaliaq allannguutissatut siunnersuuteqarpoq. Inatsisip imarisaanut aammalu procentimik aaqqiissu-tissamik atuutilersitsinermit tunngatillugu ataatsimiititaliaq isumaqarpoq taama tunnga-veqalerneq isumatusaartuusooq aammalu annertussutsinik inatsimmi pineqartunik pissarsisartut pisissutiginnissinnaanerannut qulakkeerinneqataasooq. Inatsisip siunertaa, tassangaannartu-mik iluarsisuteqartariaqalernissap pinngitsoortinneqarnissaanik tunngavilersuutigineqartoq kiisalu isertitakinnerusunut aningaasaqarnikkut atugassarititaasut nalikinnerulernissaasa inger-laavartumik pinaveersaartinnissaat eqqarsaatigalugit inummut ilanngaatiq iluarsisuteqar-tarnermut aamma ilanngunneqarnissaa ataatsimiititaliamit kissaatiginartinneqaralarpoq. Taamaallillunilu inummut ilanngaat annertussutsit inatsimmi taaneqartut amerlasuut allat assigalugit ukiuni arlalissuarni iluarsisuteqarfigineqarsimanngilaq. Tassunga atillugu inummut ilanngaammut ilassutitut sulinermit ilanngaateqalernissaaq sulissutigineqartoq ataatsimiititaliamit maluginiarneqarpoq, tak. UPA 2017 imm. 12.

4. Siunnersuutip aningaasaqarnikkut kingunerisassai

Aningaasartuuteqarfinnut isertitaqarfinnullu pingaarutilinnut inatsit sunniuteqassamat Anin-gaasaqarnermut Akileraartarnermullu Ataatsimiititaliamit oqaatigineqassaaq. Tassunga atatil-lugu iluarsisuteqartarnissamik tunngavimmik nutaamik annertuumillu sunniuteqartussamik pilersitsinerup missingersuutinut sunniutigeratarsinnaasaannut matussutissanik aningaasanik sillimmatissanik mianersortumik tunngaveqarnerup ilaatut Naalakkersuisut pilersitsinissaat ataatsimiititaliamit kaammattuutigineqarpoq.


5. Ataatsimiititaliap inassuteqaatai

Inatsisissatut siunnersuutip imarai procentimut aaqqiissutissamut aammalu maannakkorpiaq aningaasarsianut iluarsisuteqartarnissamik siunnersuutit. Ataatsimiititaliap isumaa malillugu maanna qulequtaritinneqartoq tamakkiisuunngilaq, taamaattumillu ilaatigut inatsimmik siu-nissami atuisussat eqqarsaatigalugit maannakkorpiaq aningaasarsiat qulequttamut ilanngun-neqarnerisigut qulequttap allanngortinneqarnissaaq ataatsimiititaliamit siunnersuutigineqarpoq.

Ataatsimiititaliaq immikkoortup aappasaarinqarnissaanut tamanna pillugu allannguutissamik siunnersuuteqarpoq.

Tamanna tunngavigalugu **Ataatsimiititaliaq isumaqatigiittoq** allannguutissatut siunnersuummik saqqummiussivoq.


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.




Jens Immanuel, siulittaasoq




Randi V. Evaldsen




Peter Olsen



Bendt B. Kristiansen



Martha Lund Olsen



Ineqi Kielsen



Kelly Berthelsen

Uunga allannguutissatut siunnersuut

Uunga siunnersuut: Procenti aaqqiissutissaq pillugu Inatsisartut inatsisaat nr. xx, xx. xxx 2017-imeersoq

Aappassaaneerinninnissamut Aningaasaqarnermut Akileraartarnermullu Ataatsimiititaliamut saqqummiunneqartoq.

Siunnersuutip qulequtaanut

1. Siunnersuutip qulequtaa ima oqaasertalerneqassaaq:

”Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat nr. xx, xx. xxx 2017-imeersoq”.

Siunnersuummut nassuiaatit**Nassuiaatit nalinginnaasut**

Inatsisissatut siunnersuutip imarai procentimut aaqqiissutissamut aammalu maannakkorpiaq aningaasarsianut iluarsiissuteqartarnissamik siunnersuutit. Ataatsimiititaliap isumaa malillugu maanna qulequtaritinneqartoq tamakkiisuunngilaq, taamaattumillu ilaatigut inatsimmik siunissami atuisussat eqqarsaatigalugit maannakkorpiaq aningaasarsiat qulequttamut ilanngunneqarnerisigut qulequttap allanngortinneqarnissaa ataatsimiititaliamit siunnersuutigineqarpoq.

Allanngutissatut siunnersuummi aalajangersakkanut ataasiakkaanut nassuiaatit

Nr. 1-imut

Siunnersuutigineqarpoq inatsisissatut siunnersuutip qulequtaa ima allanngortinneqassasoq: Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat nr. xx, xx. xxx 2017-imeersoq.